

Cuminsa un Negoshi Nobo

MESTER TENE NA CUENTA

Conoce e tipo di negoshi cu bo kier cuminsa

Colecta tur e informacionnan relevante riba e idea cu bo tin pa bo negoshi. Ta necesario pa bo conoce exactamente e tipo di negoshi cu bo kier cuminsa cune. Busca riba internet of bishita negoshinan similar pa haya informacion riba e producto of servicio cu bo kier produci/ bende. Ken ta bay ta bo suministrado y di unda na ta. Con bo mercancia lo wordo transporta y entrega, ki tipo di permiso bo lo tin mester pa importa bo mercancianan y kico ta e gastonan.

Conoce bo mercado y bo cliente

Con e mercado ta pa bo producto y servicio riba e isla y den region? Tin mas negoshi manera esun di bo? Tin mercado habri pa bo tipo di negoshi? E mercado ta creciendo? Bo por suministra e producto of servicio na un prijs/ calidad competitivo? Ta importante pa sa te ken lo bay ta bo clientenan y pa cumpli cu nan necesidad.

Ki tipo di permiso bo mester

Depende di e tipo di negoshi cu bo kier cuminsa, lo bo tin mester di permisonan adicional (diferente). Check cu IDEA ki tipo di permiso di otro instancia di gobierno bo lo tin mester.

Structura di negoshi y organisacion

Bo kier cuminsa un negoshi propio (eenmanszaak) of bo kier un otro tipo di entidad (forma legal) di negoshi? Cua di nan ta esun mihor pa bo tipo di negoshi of bo situacion personal?

Busca conocimiento riba e tereno financiero

Bo tin e recurso financiero necesario pa por cuminsa bo negoshi of bo tin mester di capital externo (prestamo di banco of partner cu capital)?

Busca conseho con pa “set up” un administracion

No ta necesario pa bo tin e conocimiento (knowhow) pa bo hasi bo mes un administracion

di negoshi. Busca ayudo. Tin diferente instancianan y cursonan disponibel cu por yuda bo pa haya e habilidad necesario pa “set up” bo mesun administracion of bo por laga e servicionan aki den man di un compania di administracion/ accounting y tambe por consulta un consehero di impuesto.

Recursonan Humano ta hopi importante pa bo negoshi

Ki tipo di empleadonan bo lo tin mester, cua habilidad nan mester tin pa por yudabo den bo negoshi? Bo ta dispuesto pa inverti den bo empleadonan? Enseñansa pa Empleo y otro instancianan por yuda bo desaroya bo forza laboral. Bo mester ta sigur cu bo ta cumpli cu e ley laboral y tin un bon concepto di contract cu bo empleadonan.

Inverti den tecnologia

Den e mundo di awendia bo no por sobrevivi si bo negoshi no ta automatiza of ta usa tecnologia.

Contacto

Ta hopi importante pa cera conoci y tin contacto cu esnan encarga y concerni.

Cuminsa un negoshi nobo door di prepara un [Plan di negoshi \(Business Plan\)](#)

Pa yuda bo contesta tur e preguntanan bo mester un plan di negoshi (Business Plan). E no mester ta amplio. Pero e lo yudabo coordina bo ideanan y lo guia bo pa sa si bo negoshi lo ta exitoso of no.

Cumpli cu e formalidad legal

Registra bo negoshi na Camara di Comercio y si ta aplicabel entrega un peticion oficial pa un permiso di establecimiento di bo negoshi na DEZHI.

Cuminsa chikito y pensa grandi

IDEA por yuda y guia bo pa bo hasi e prome pasonan.



DOs



DON'Ts

